

Deal Westin firma

PALM BEACH -- Segun abogado Ronald Wix, cu ta representa grupo Spaño Infinity/RIU, diaranson ultimo e traspaso pa cu e propiedad di ex-Westin Hotel a tuma luga. Entre 310 y 315 trahado di Westin a firma pa e pakete social cu a wordo ofreci na nan y nan a wordo pasga caba.

Les mas detaye riba pagina A3



Deal traspaso Westin ta firma

Ta bay purba di dissolve contracto di 70 trahado di Westin

ORANJESTAD — Bon Dia Aruba a haya confirmacion di abogado Ronald Wix, cu ta representa grupo Spaño Infinity/RIU, cu diaranson pasa e ultimo traspaso pa cu e propiedad di ex-Westin Hotel a tuma luga. Gran mayoria di e trahadonan a firma pa un pakete social, pero alrededor di 70 di nan a nenga esaki y ta bay haya nan mes con-

fronta cu un caso pa kibra nan contracto. Diaranson pasa a traspasa e accionnan den e hotel di Wachovia Bank y WIBC pa Infinity/RIU. “Tur cos a bay segun palabracion di e partidonan”, asina Wix ta duna di conoce. Un di e palabracionnan tabata cu Westin no ta maneha e hotel mas. Te hasta a kita tur borchu cu e nomber di e hotel, manera

partidonan a palabra. Pa loke ta e trahadonan di Westin, abogado Wix ta indica cu entre 310 y 315 di nan a firma pa e pakete social cu a wordo ofreci na nan.

“Nan a wordo paga caba”, asina e ta confirma. Tin un grupo di alrededor di 70 empleado cu no a firma. “Contra e grupo ey nos ta preparando pa bay corte pa pidi pa dissolve

e contractonan.”

Blossoms

Mientras tanto edificio di Westin ta bashi. Reportero di Bon Dia Aruba a constata cu berdaderamente tur e branding di Westin a wordo kita. Paden tin luz cendi ainda y tin personal di seguridad canando rond. Obviamente tin e riesgo di posibel kiebro den e edificio pa asina horta mueblenan y ar-

ticulonnan. Mirando paden for di entrada di abou por mira cu por ehempel e mesa di pool t’ey ainda. Ademas, restaurant Blossoms ta habri. Diferente persona conoci den comunidad a subi riba nan red social pa bisa cu nan lo keda bishita Blossoms y respalda e establecimiento aki te ora renobacion di e hotel ta cla y e habri atrobe aki un aña. □